



Inatsisartunut Ilaasortaq, Sara Olsvig, Inuit Ataqatigiit  
Inatsisartut Allattoqarfiat  
/MAANI

**Pisortat aqqissugaanerata nalilersornissaanut tunngatillugu § 37 naapertorlugu apeqqummut nr. 197-imut akissut**

Allakkat ullulernerat:  
25-08-2015  
Suliap. nr. 2015- 7552  
All. nr. 704937

Asasara Sara Olsvig

Inatsisartut suleriaasianni § 37, imm. 1 naapertorlugu pisortat aqqissugaanerata nalilersorneqarnera pillugu Naalakkersuisunut apeqquteqarputit. Apeqqutigisatit uannit aki-neqartussanngortinneqarsimapput. Apeqqutigineqartut ataasiakkaat tulleriinnilersornerni malillugit akissutikka tullinnguuttuni takuneqarsinnaallutillu atuarneqarsinnaapput.

P. O. Box 1015  
3900 Nuuk  
Oqa. (+299) 34 50 00  
Fax (+299) 34 63 50  
E-mail:  
govsec@nanoq.gl  
www.naalakkersuisut.  
gl

**1. Kommunit ilusissaannik allannguisinnaanermut nutaamut suliareqqusamut Naalakkersuisut piffissaliussaas qanoq isikkoqarpa?**

**Akissut:**

Pisortat aqqissugaanerisa nalilersorneqarnissaanut suliap piffissalersornissaa Naalakkersuisunit isummerfigineqarnikuunngilaq. Pisortat aqqissugaanerisa nalilersornissaa suliaasaaq suliarlu, tassunga ilanngullugit piffissalersornissaa, Naalakkersuinikkut Ataqatigiissaarisartunit Naalakkersuisunit, kommuninit sisamaasunit KANUKOKA-millu ilaasortaaffigineqartoq aqutugalugu kommunit suleqatigalugit oqaloqatigisarnersigullu aqqissorniarneqassaaq.

**2. Suliareqqusami kikkut akuutinneqassappat (kommunit ilusissaannik allannguinissamut nutaamut), qanorlu?**

**Akissut:**

Apeqqummi 1-imut akissummut tapiliullugu ilisimatitsissutigineqarsinnaavoq, pisortat aqqissugaanerisa nalilersuiffigineqarlutik suliarineqarnerat kommunit suleqatigalugit aqqissorneqartarmata. Tamanna Nuummi 4. - 5. juni 2015-imi pisortat aqqissugaanerisa ineriartortinnissaat pillugu isumasioqatigiinnermi saqqummiussaanut naapertuuppoq, tassani erseqqissumik oqaatigineqarmat suliaasat kommunit suleqatigalugit oqaloqatigisarnersigullu naammassineqarnissaanut Naalakkersuisut piumassuseqartut.

**3. Kommunit iluserisinnaasaannut nutaamut annertuumik tapersersorneqarnissaanut Naalakkersuisut qanoq pingaartitsitigaat, tamatumalu angunissaa tigussaasumik qanoq qulakkeerniarneqarpa?**

**Akissut:**

Pisortat aqqissugaanerisa allanngortissinnaanerisa amerlanerpaanit tapersersorneqarnissaata anguniarnissaa soorunalumi pingaaruteqarpoq. Naalakkersuisut apeqqummut 1-imut akissutaani allassimasutut suliaasat kommunit suleqatigalugit aqqissorniararpaat. Pisortat aqqissugaanerisa allanngortissinnaanerisa amerlasuunit tapersersor-

neqarnissaa qanoq isilluni anguniarneqarsinnaaneranut apeqqutip suleqatigiissutigineqartussanut ilanngunneqarnissaa naatsorsuutigineqarpoq. Nutaamik aaqqissuusseqqinnissap tamakkiisumik tapersorsorneqarnissaa eqqarsaatigalugu kommuninik oqaloqatigiissutigineqarsimatinnagu aammalu aaqqissuusseqqinnissat qanorpiaq ittuunissaat pillugu tunngavigineqarsinnaasunik siunnersuusiortoqarsimatinnagu tamassuma isummerfiginissaa Naalakkersuisunit pissusissamisoortutut isigineqanngilaq.

**4. Kommunit suliaasaqarfanni aalajangersimasuni namminersulernerunissaat eqqarsaatigalugu kommunit mikivallaalersinnaanerannut Naalakkersuisut uloriasuuteqarpat? Aappiuppat, taava tassani Naalakkersuisut qanoq eqqarsaatersuuteqarpat?**

**Akissut:**

Kommunit aaqqissugaanerat kommuninut piumasaqaataasunut naapertuuttuusariaqartoq tunngaviusumik aallaavigineqartariaqarpoq.

Apeqqummut 1-imut akissummi oqaatigineqartutut Naalakkersuisut isumaqarput pisortat aaqqissugaanerisa nalilersornissaanut suliaasat kommunit suleqatigalugit aaqqissuunneqartariqartut. Kommunit ataasiakkaat qanoq angissusissaannut apeqqut pillugu pisortat aaqqissugaanerisa nalilersuiffigineranut ilanngullugu suliarineqarnissaa naatsorsuutigineqarpoq. Kommunit nutaamik aggornilersornissaannut tunngatillugu suut tunngavigalugit aggornilersuisoqassanerani siunnersuuteqartoqartinnagu kommunit suleqatigalugit oqaloqatigeqqaarlugillu tamassuma pinissaa Naalakkersuisunit siunniunneqarpoq.

**5. Kommunit innuttaqassutsikkut, illoqarfiit/nunaqarfiillu amerlassusiisigut qanoq mikitigisinnaanerannik Naalakkersuisut isumaqarpat?**

**Akissut:**

Apeqqummut 1-imut akissummi oqaatigineqartutut pisortat aaqqissugaanerisa nalilersornissaanut suliaq kommunit suleqatigalugit pinissaa Naalakkersuisunit siunertarineqarpoq. Kommunit ataasiakkaat innuttaqassusissaannut aammalu kommunimi ataatsimi illoqarfiit/nunaqarfiit qassiussanerannik apeqqut pisortat aaqqissugaanerisa nalilersornissaanut kommunit suleqatigalugit ilanngullugu suliarineqassapput. Naalakkersuisut isumaqarput kommunini innuttaasut amerlassusissaannut imaluunniit nunaqarfiit illoqarfiillu amerlassusissaannut tunngasut isummerfigineqartinnagit tamakku kommuninik oqaloqatigiissutigineqarlutillu suleqatigiissutigineqqaartariaqartut.

Oqaatigineqareersutut Naalakkersuisut tunngaviusumik isumaqarput kommunit aaqqissugaanerat kommuninullu piumasaqaataasut oqimaaqatigiissinneqartariaqartut.

**6. Kommunit nutaamik aggulunneqassappata uuttuutit piumasarineqartullu Naalakkersuisuniit atuutsinneqassappat? Kommuniunissamut piumasaqaatit qanoq ittut eqquutsinneqarsimassappat?**

**Akissut:**

Naalakkersuisut apeqqummut 1-imut akissummi oqaatigineqartutut pisortat aaqqissugaanerisa nalilersuiffiginissaa kommunit suleqatigalugit aaqqissorniarpaa. Apeqqutip apeqqutigineqartut pisortat aaqqissugaanerisa kommunit suleqatigalugit nalilersuiffigineqarnissaanni ilanngullugit suliarineqarsinnaassapput. Naalakkersuisut isumaqarput kommunit nutaamik aggornilersorsinnaanissaannut tunngatillugu uuttuutit piumasaqaatillu suut atorneqarnissaat aammalu nammineq

kommuninngorsinnaanissamat piunasaqaatit suussaneri Naalakkersuisunit  
isummerfigineqartinnagit tamakku pillugit kommuninik suleqatigiillu  
oqaloqatigineqaqqaartariqartut.

**7. Aalisarnermiit akileraarutitigut isertitat nunap immikkoortukkuutaarnerini qanoq agguataarsimappat – illoqarfinnut, nunaqarfinnut kommuninullu agguataarlugit?**

**Akissut:**

Inuussutissarsiuutinut pingaarnernut tunngatillugu inuussutissarsiuutit suunera aammalu tamakku nuna immikkoortukkaarlugit kisiat kisitsisitigut nalunaarsuisoqartartoq paasitineqarpunga, tassani aalisarnermut, piniarnermut nunalerinermullu tunngasut inuussutissarsiuutit pingaarnertut isigineqarlutik. Taamaattumik apeqqutigineqartut imaasialaannaq akineqarsinnaanngillat.

**8. Aalisarnermiit suliffiit amerlassusaat nunap immikkoortukkuutaarnerini qanoq agguataarsimappat – illoqarfinnut, nunaqarfinnut kommunenullu agguataarlugit?**

**Akissut:**

Inuussutissarsiuutinut pingaarnernut tunngatillugu inuussutissarsiuutit suunera aammalu tamakku nuna immikkoortukkaarlugit kisiat kisitsisitigut nalunaarsuisoqartartoq paasitineqarpunga, tassani aalisarnermut, piniarnermut nunalerinermullu tunngasut inuussutissarsiuutit pingaarnertut isigineqarlutik. Taamaattumik apeqqutigineqartut imaasialaannaq akineqarsinnaanngillat.

**9. Aalisarnermiit akitsuutitigut isertitat nunap immikkoortukkuutaarnerini qanoq agguataarsimappat – illoqarfinnut, nunaqarfinnut kommunenullu agguataarlugit?**

**Akissut:**

Aalisarnermit akitsuutit aqutugalugit isertitat immikkoortukkaarlugit massakuugallartoq kisitsisitigut nalunaarsugaatigineqanngillat. 2014-imi raajanut akitsuutit 145.304 kr.-inik, qaleralinnut akitsuutit 18.759 kr.-inik aammalu avaleraasartuunut akitsuutit 74.404 kr.-inik isertitsiviupput.

**10. Namminersorlutik Oqartussanit, Ingerlatsivinni namminersorlutik oqartussanit pigineqartunit kiisalu naalagaaffinni atorfilinnit akissarsiaqartut akileraarutaat nunap immikkoortuinut qanoq agguataarsimappat, kommunit nunattalu karsiinut agguataarlugit?**

**Akissut:**

Namminersorlutik Oqartussani, ingerlatseqatigiiffinni namminersorlutik oqartussanit pigineqartuni naalagaaffimmilu atorfilittut akissarsiaqartut 2013-imi akileraarutigisimasaat 2014-imi naatsorsorneqarsimasut ilisimatinneqarpunga. Naatsorsukkat tullinnguuttumi nalunaarsuganngorlugit saqqummianneqartut takuneqarsinnaapput. Nalunaarusiami suliffeqarfanni makkunani sulisut akileraarutigisimasaat saqqummersinneqarput: Namminersorlutik Oqartussat, politiit, eqqartuussiviit pensionillu, Royal Greenland, KNI, Tele Greenland, Royal Arctic Line, INI, Mittarfeqarfiit, Air Greenland, Great Greenland, Nukissioffiit kiisalu Neqi.

Nam. Oqartussani naalagaaffimmilu atorfillit	Kommunimut akileraarutissap annertussusaa	Nuna tamak-kerlugu akileraarutit (10 %)	Kommuni-nut ataatsimut akileraarutit (6 %)	Kommunimut akileraarutit
Kommune Kujalleq	28%	12.416.778	7.450.067	34.766.979
Kommuneqarfik Sermersooq	25%	76.564.265	45.938.559	191.410.662
Qeqqata Kommunia	26%	14.391.228	8.634.737	37.417.193
Qaasuitsup Kommunia	28%	21.780.053	13.068.032	60.984.149

Ingerlatseqatigiiffinni Nam. Oqartussani pigineqartuni atorfillit	Kommunimut akileraarutissap annertussusaa	Nuna tamak-kerlugu akileraarutit (10 %)	Kommuni-nut ataatsimut akileraarutit (6 %)	Kommunimut akileraarutit
Kommune Kujalleq	28%	11.850.648	7.110.389	33.181.814
Kommuneqarfik Sermersooq	25%	63.140.612	37.884.367	157.851.529
Qeqqata Kommunia	26%	22.487.261	13.492.356	58.466.878
Qaasuitsup Kommunia	28%	27.647.413	16.588.448	77.412.758

**11. Namminersorlutik Oqartussani, ingerlatseqatigiiffinni namminersorlutik oqartussanit pigineqartuni kiisalu naalagaaffinni atorfiit qanoq, nunap immikkoortuinut, illoqarfinnut, nunaqarfinnut kiisalu kommuninut agguataarlugit?**

**Akissut:**

Ilisimatinneqarpunga Naatsorsueqqissaartarfik pisortani akissarsiarineqartartut aallaavigalugit pisortani atorfilinnut tunngatillugu suliassaqarfikkaarlugit nunap imikkoortukkaarlugillu immikkuullarissumik nalunaarusiorsimasoq. Namminersorlutik oqartussat suliffeqarfiutaanni atorfillit aamma naalagaaffimmi atorfillit naatsorsueqqissaarinnermi ilannguneqarsimangillat. Tamanna tunngavigalugu apeqqutigineqartut akissuteqarfigisinnaangilakka.

**12. Kommunit kattunneqanngikkallarmata kommunit sorliit nakkutigineqarpat?**

**Akissut:**

Apequtigineqartoq piffissaliussap iluani erseqqissumik akiuminaappoq, paasisutissat siusinnerusukkulli toqqortaatigineqartut ujarlerfigineqaqqaartariaqarmata, ilaatigut qarasaasiaq atulernerat sioqqullugu toqqortaatigineqalersimasut ujarlerfigineqaqqaartariaqarlutik.

Tamakkiisumilli ilisimatitsissutigineqarsinnaavoq kommunit kattussuutinnigikkallarmata kommunit ataasiakkaat arlallilluunniit akuttunngitsumik nakkutigineqartariaqartarnikummata, tamakku ilaatigut kommunit mikivallaarneranik aammalu sulusunik pingaartumik aningaasanik aqutsinissamik piginnaasaqarluartunik atorfinitsitsiniartarnerminnik ajornartorsiuteqartarnerannik.

**13. Kommunit kattunneqanngikkallarmata kommunit sorliit avataaniit aqunneqarpat?****Akissut:**

Kommunit arlaannaalluunniit qitiusumit aqunneqartariaqalernikuunngillat. Taaguut "allanit aqunneqarneq" kommunit nakkutigisariaqalernerannut tunngatillugu siusinnerusukkut kukkusumik atorneqartarsimavoq.

Inussiarnersumik inuulluaqqusillunga

Med venlig hilsen

Kim Kielsen